



> Retouradres Turfmarkt 147 2511 DP Den Haag

Presidente di Tweede Kamer der Staten-Generaal
Postbus 20018
2500 EA Den Haag

**DG Openbaar Bestuur &
Democr Rechtsstaat**
DGOBDR-D&B-Democratie
Democratie

Turfmarkt 147
2511 DP Den Haag

Onze referentie
2024-0000791784

Uw referentie

Fecha 25 oktober 2024
Topico Decision di intencion pa lanta Fundacion Comite
Conmemoracion Pasado di Sclavitud

Cu e carta aki mi ta inicia e procedura preliminar di 30 dia di e intencion di decision pa lanta Fundacion Comite di Conmemoracion Pasado di Sclavitud. Esaki ta conforme articulo 4.7, prome inciso, bou di a, di e Ley di Contabilidad 2016 y e Cuadro pa fundacionnan (Cuadro di Maneho pa envolvimento di Gobierno Central ora di lanta fundacionnan, 2006).

Despues di e despensanan di gabinete di 19 di december 2022 tocante Pasado di Sclavitud di Estado Hulandes (Documentonan di Parlamento II 36 284, nr 1), a tuma pasonan pa duna e despensanan forma, den bon consulta cu e comunidannan involvi. Un siguiente paso importante riba e despensanan ta institucion di un Comite di Conmemoracion independiente, cu lo supervisa e dunamento di contenido y organisacion di un conmemoracion grandioso y digno di e pasado di sclavitud. A informa Tweede Kamer al respecto den e carta di 15 di juni 2023 (Documentonan di Parlamento II 36 284, nr 31) y di 22 di april 2024 (Documentonan di Parlamento II 36 284, nr 39).

Den e carta na bo Parlamento di 14 di juni 2024 mi predecesor a anuncia e intencion pa lanta y e encargo di e Comite di Conmemoracion y a menciona nomber di e presidente previsto, señora Astrid Elburg. Despues di consulta informal extenso el a bin dilanti como un presidente cu un apoyo fuerte bou di e comunidannan involvi y cu experiencia administrativo. E ultimo lunanan señora Elburg tabatin contacto cu entre otro organisacion- y fundacionnan cu antecedente similar, manera Stichting Nationaal Comité 4 en 5 mei y Stichting Nationale Herdenking 15 augustus 1945. Tambe a bishita hopi stakeholder y gobernante. Esaki cu e intencion pa colecta mas conocimiento tocante kico e futuro Comite di Conmemoracion Pasado di Sclavitud mester tene cuenta cune y kico no, ora di sigui detaya e encargo di e Comite di Conmemoracion.

Tambe a pidi gobiernonan di e isla- y paisnan den e parti Caribense di Reino y directiva di NiNsee pa propone un miembro pa e Comite di Conmemoracion. Ya a ricibi diferente proposicion. Republica di Surnam tambe tin oportunidad, si e ta desea esey, pa propone un miembro di directiva.

E zomer aki e Toetsingscommissie Verzelfstandigingen a evalua e intencion aki segun e cuadro di fundacionnan, loke a resultá den un conseho positivo. Tambe a tene consulta formal cu Contraloria General tocante e proposicion pa institui. Toetsingscommissie ta recomenda e modelo di organisacion scogi (e.o. sin Conseho di Supervision) y pa evalua progreso di e metanan na tempo. Lo mi laga

Datum
25 oktober 2024

Onze referentie
2024-0000791784

e evaluacion tuma luga despues di dos aña, di manera cu e Fundacion por tene cuenta cu e lesnan cu NiNsee a siña di organisacion di un conmemoracion. Tambe lo por traspasa e lesnan cu a siña pa posibel miembronan di directiva nobo ora di nombra miembronan di directiva nobo despues di e prome mandato di tres aña. Tambe e comision ta conseha mi pa regla e contacto entre e comite y mi departamento pa medio di un consehero oficial. E papel di consehero oficial ta explicitamente inclui den e statutonan di e Fundacion.

Contraloria General ta señala como punto di atencion cu e Ley di Contabilidad 2016 no tin efecto extraterritorial. Pa e motibo ey Contaloria General ta bisa cu mester crea un provision pa disponibilidad di informacion riba uzo legal y eficiente di subsidionan pafo di Hulanda, manera na Aruba, Corsou, Sint Maarten y Surnam. Den e condicionnan pa subsidio y reglamento di uzo di e Fundacion lo mi inclui condicionnan, di manera cu informacion tocante uzo legal y eficiente di placanan di subsidio pafo di Hulanda ta disponibel y ta comparabel cu e condicionnan den Ley di Contabilidad 2016. Ademá lo menciona explicitamente den e condicionnan pa subsidio y e reglamento di uzo di e Fundacion cu Contraloria General den eventual casonan lo haña acceso na informacion relevante pa controlnan.

Contraloria General ta pidi ademá atencion tocante e riesgo cu e papel di e asina yama consehero oficial por mishi cu independencia di e comite. Nos ta confirma cu hustamente debi na e experiencia cu fundacionnan comparabel, intencion di e papel di e consehero oficial ta pa berdaderamente duna forma na e papel substancial di mi departamento y garantisa cu e red na Den Haag ta rapidamente accesibel pa directiva di e Comite. Manera Contraloria General ta recomenda, lo tene esaki tambe na cuenta ora di evaluacion di e Comite di Conmemoracion. A añadi e argumentacion di e intencion pa lanta e Fundacion hunto cu e carta aki (anexo 1). Tambe a añadi: e concepto di e statutonan di e fundacion (anexo 2), e conseho di e Toetsingscommissie Verzelfstandiging (anexo 3) y e carta di Contraloria General (anexo 4).

Awe mi a manda un carta similar pa Presidente di Eerste Kamer der Staten-Generaal. Como cu e Comite di Conmemoracion solamente por keda funda despues cu finalisa e procedura preliminar aki, lo mi informa bo Parlamento den e prome mita di 2025 tocante e progreso.

Minister di Asuntunan Interno y Relacion di Reino,

J.J.M. Uitermark